

INTERNACIONALNI UNIVERZITET U SARAJEVU
International University of Sarajevo

Broj: IUS-SENAT-11-3324/14

POSLOVNIK O RADU
KOMISIJE ZA PRAĆENJE STUDIJSKIH
PROGRAMA NA
INTERNACIONALNOM UNIVERZITETU U
SARAJEVU



Na osnovu člana 119. Zakona o visokom obrazovanju („Službene novine Kantona Sarajevo“, broj: 42/13), člana 43. Statuta Internacionalnog univerziteta u Sarajevu, broj: IUS-SENAT-11-2255/2013 – prečišćeni tekst od 12.09.2013. godine, Senat Internacionalnog univerziteta u Sarajevu je na svojoj 44. sjednici, održanoj dana 17.11.2014. godine, usvojio sljedeći

POSLOVNIK O RADU
KOMISIJE ZA PRAĆENJE STUDIJSKIH PROGRAMA
NA INTERNACIONALNOM UNIVERZITETU U SARAJEVU

Član 1.

Ovim Poslovnikom bliže se reguliše postupak izbora i rada Komisije za praćenje studijskih programa na organizacionim jedinicama Internacionalnog univerziteta u Sarajevu.

Član 2.

(1) Komisija za praćenje studijskih programa (**u daljem tekstu: Komisija**) na organizacionim jedinicama Internacionalnog univerziteta u Sarajevu tijelo je odgovorno za evaluaciju novih i revidiranih nastavnih planova i programa za sve cikluse studije na organizacionim jedinicama Internacionalnog univerziteta u Sarajevu (**u daljem tekstu: IUS**).

(2) Komisija ima specijalnu konstulativnu ulogu na Univerzitetu.

Član 3.

(1) Broj članova Komisije određuje rektor odlukom o imenovanju.

(2) Članovi Komisije biraju se iz reda akademskog osoblja Univerziteta, o čemu odluku donosi rektor Univerziteta.

(3) Odluku o izmjeni sastava kao i razrješenju članova Komisije donosi rektor.

(4) Članovi Komisije obavezni su u pismenoj formi dati Predsjedniku Komisije pristanak na članstvo u roku od 5 (pet) dana od donošenja odluke o imenovanju Komisije od strane rektora.

(5) Članstvo u ovoj Komisiji predstavlja počasno imenovanje i ne utječe na nastavno - administrativna zaduženja iz ugovora o radu.

(6) Pristanak na članstvo daje se putem stavljanja potpisa na poledinu odluke o imenovanju.

Član 4.

(1) Predsjednik Komisije, kojeg imenuje rektor, saziva sastanke Komisije po potrebi, a najmanje dva puta prije početka svakog semestra, radi revizije nastavnih planova i programa.

(2) Komisija donosi odluke o pitanjima iz svoje nadležnosti većinom glasova od ukupnog broja članova.

(3) Komisija razmatra službene zahtjeve i upite bez odlaganja te se očituje o istom u što kraćem vremenskom roku.

- (4) Komisija odgovara i podnosi izvještaje o svom radu rektoru.

Član 5.

Zadaci i nadležnosti Komisije određeni su kako slijedi:

- a) Rad u skladu sa procedurama određenim važećim *Pravilnikom o praćenju studijskih programa*;
- b) Revizija i evaluacija prijedloga novih nastavnih planova i programa;
- c) Analiza silabusa predmeta;
- d) Nominovanje akademskog osoblja kojemu se povjeravaju univerzitetski predmeti;
- e) Analiza i procjena prijedloga za uvođenje novih i ukidanje postojećih nastavnih predmeta;
- f) Učešće u reviziji nastavnih planova i programa i akreditaciji istih;
- g) Revizija i predlaganje izmjena općih uvjeta obrazovanja i sticanja diploma za sva tri ciklusa studija;
- h) Revizija prijedloga novih nastavnih predmeta radi usklađivanja sa nadolazećim zahtjevima;
- i) Predlaganje procedura i politika koje se tiču nastavnih planova i programa;
- j) Podnošenje izvještaja o studijskim programima rektoru;
- k) Drugi zadaci koje utvrdi rektor.

Član 6.

Ukoliko član Komisije odsustvuje neopravdano tri puta sa sastanaka Komisije, njegovo članstvo prestaje i bira se novi član Komisije.

Član 7.

- (1) Ukoliko se na bilo koji način uprazni mjesto u Komisiji, predsjednik Komisije dužan je o tome obavijestiti rektora najkasnije 15 dana od dana saznanja.
- (2) Rektor donosi odluku o imenovanju novog člana u roku od sedam dana i o tome obavještava Predsjednika Komisije.

Član 8.

- (1) Izmjene i dopune ovog Poslovnika vrše se na način i po postupku njegovog donošenja, na prijedlog Senata ili rektora.
- (2) Usvajanjem ovog Poslovnika prestaje da važi Poslovnik broj: IUS SENAT-11-1581-1/13 od 19.06.2013. godine.

Član 9.

Ovaj Poslovnik stupa na snagu danom donošenja.

Dostavljeno:
1 x Senat
1 x Komisija
1 x a/a



PREDSJEDAVAJUĆI SENATA

Prof. Dr. Yücel OĞURLU